

Slammar sco ils gronds – e cun gust subversiv

Otg giuvnas Rumantschas scrivan per la nova publicaziun quadrilingua

DA CLAUDIA CADRUVI / ANR

■ Oz cumpara il cudesch «E ti, come sprichst du suisse?». Il pled han giuvnas e giuvnas tranter 16 e 21 onns da tut las parts svizras. Otg Rumantschas laschan ora cups e s'opponan cun in tschert gust a l'armonia inexistentia tranter las quatter lingwas. Il meglier cumenzan ins a leger gist la seconda part. Là vegg slammà. Las rimas roclan e las beffas sesan. Igl è in vair plaschair. «Tü cun tieu tudas-ch poust güst svanir, que so mincha tottel discurrir», beneventa *Christina Müri* da Schlarigna ses partnari da slam. E sche lez respunda ch'il «Romanisch ist ja gar nicht romantisches» dat ella enavos: «Rumantsch es practic, pregnant e prezios, pervi da quello es nos taliaun e frances uschè famus.»

Carlotta Ganzoni: tematica «absurda»
En sasez less la nova publicaziun celebrar la multilinguitad svizra. Las auturas rumantschas sa futran dentant da glorifigtar ina «unitad en la diversidad lingüistica» ed ina «chapientscha vicendaiva». Ellas sentan gea mintga di ch'ina tala è inexistenta e che nagin da las trais lingwas grondas chapescha rumantsch.

Empè da lamentar nizegian las giuvnas quest dischavantatg. Els slammeschans quai ch'els pensan, savend che l'editur na zensurescha nagut. Per l'ina vul el gea mussar quant bainvulend ch'el è visavi la lingua pitschna cun edir tuttina blers texts rumantschs sco tudestgs, franzos u talians. Per l'autra na chapescha l'editur gea gnanc tge che las frechas rumantschas raquintan. *Carlotta Ganzoni* da Schlarigna va schizunt uschè lunsch ed insulta l'editur per questa tematica «absurda» e «lungurusa». Ella scrivia be insatge perquai ch'ella survegnia in da sis sch'il text saja tant enavant en urden.

Malencletga tranter Zuoz e Grono
Hannah Flury da Zuoz slammeschans ensenem cun *Dennis Pellanda* da Grono. Igl

è in dialog genial tranter dus Grischuns che s'inscuntran e ston discurrer tudestg per chapir in l'auter. Ma la lingua da punt na porta nagina avischinazion tranter els dus, anzi, ella lubescha be ina conversaziun superficiala che divida pli fitg che d'unir. Ils dus slammaders tradeschan mintgamai en lur atgna lingua tge ch'els pensan propi da tschel. «Margnac, macarun, martuffel, minchun», rampluna Hanna en patratg. «Ma che as spetta eir dad ün taliaun?» «Auf Wiedersehen», responda Dennis e pensa: «Sappi che mai più, ti vorrò rivedere!»

En il poetry-slam da *Stina Hendry* da Vella ed *Elena Heinzelmann* da Basilea battan pregiudizis tranter terra e citad in cun l'auter. Stina sa dosta cunter pregiudizis visavi muntagnards, parta dentant medemamain ora. «Drum hassa i dia terrorista», slammeschans ella. «I meina na-

türli d turista.» Il davos chattan las duas giuvnas ina buna fin e sepuleschan lur antipatias superfizialas cun «Unmut, Wut und Fremdenhass, haben die Wurzel im Jauchefass.»

«L'emprim be svelt salvar il mund»

Viviana Lazzarini da Samedan e sia partenaria *Ruth Gradwohl* dad Erlinsbach prendan sin la corna la tematica da lingwas. «Che mê as dess scriver sur da la bilingualited», cumenzan ellas. «Que do tschinch lingwas in Svizra: tudas-ch, rumantsch, frances, taliaun ed inglés.» Suenter dumbran ellas si ils vairs problems: Siria, Corea, Irac e las miserias en las cusunzarias a Bangladesch, Sri Lanka ed India. «Ma sorry, il prüm stuvin be svelt salvar il muond, zieva scrivains ün slam-poetry sur da la plurilinguited in Svizra!»

L'ultim slam en il cudesch rocla en ritras linguas naziunalas. L'interess dal lector po manaivel sa durmentar. Carlotta Ganzoni ha areguard quest'emprima part bain raschun: «Ün tema ch'è es gnieu d'uvro gja milli voutas.»

Ma en la segunda part vegn la tematica tractada – grazia a la subversividat da las slammadoras rumantschas – a moda uschè maligna e captivanta ch'i vala propri la paina da cumpiar il cudesch. Ins sto simplamain sursiglir ils texts e leger tge ch'ils giuvens slammeschans en la segonda part.

«E ti, come sprichst du suisse?», Fundaziun Oertli, 144 paginas cun disc cumpact, 19 francs, Turitg 2017.



A l'occurrence «Linguissimo» s'inscuntran mintgamai giuvensis da tut las regiuns linguisticas da la svizra.

Nunchapientscha svizra

In poetry-slam sec e concis è quel tranter *Anna Mazzina Andry* da Zuoz e *Sarah Grandjean* da Lanzenhäusern cun il titel «Stolz oder superbi». L'entschatta laudan las duas slammadoras la tschigulatta, las muntognas e las quatter lingwas sin las qualas ellas èn gea uschè superbias. Suenter vegnan ellas en la chavellera ina a l'autra. I croda la frasa: «Deutsch zu lernen wär bestimmt nicht verkehrt. Dieses Romanisch ist ja ganz verstaubt und ohnehin nicht bewährt.»

Il dialog che suonda: «Che pel diamper am voust tü dir? Du sprechen Deutsch mit mir? Mi'incletta cu mainza a svanir! Es ist, als spräch ich mit einem Tier! Be per dir, nos discours es vi dal murir! Dass es nicht klappt, liegt an dir! Uschè nu vo que, tü stust sortir! So bleib ich nicht länger hier! Uschè inavaunt nu vulaivi la scher gnir. Eigentlich wollt ich mich unterhalten mit dir. Eau craij a nus nu'n resta bger dapü cu ün surrir. Do you know how to speak english?»

LINGUISSIMO